



Ministro Presidente di Aruba
Su Excelencia sr. N.O. Oduber
L.G. Smith Blvd. 18
Oranjestad – Aruba

Oranjestad, 4 di september 2009
CBB 45-09/LdS/lm

Asunto: Surgimento di grupo "milicia" den campaña

Excelencia,


Pa medio di esaki Comision Bon Boluntad (CBB) ta desea di solicita bo atencion pa un fenomeno cu ta surgiendo ultimamente, unda cu tin grupo ta presenta nan mes como "milicia" di cierto partido, y cu ta cana bisti den trahe di camuflahe militar. Na diferente ocasion e grupo a ser señala na evento politico, unda nan ta percura pa un aspecto cu pa varios persona ta menos agradable y hasta amenazante. No ta conoci si e grupo aki ta dispone di arma, pero tumando na cuenta e disponibilidad di arma ilegal na Aruba, esaki lo por ta obheto di investigacion.

CBB ta di opinion cu nos comunidad no ta beneficia cu aparicion di grupo di e indole aki, ya cu nos conoce nos cuerponan uniforma cu ta responsable y capaz pa mantene orden riba henter e territorio di nos isla, Mescos cu nos no ta aprecia cu paz y tranquilidad ta ser stroba pa grupo di delincuente, tampoco e mesun tipo di tension aki mester ser causa pa grupo di otro ciudadano.

CBB ta spera cu Su Excelencia, como responsable principal di orden y seguridad publico, lo duna e fenomeno aki e debido atencion, especialmente den e ultimo simannan cu falta pa nos yega na dia di eleccion.

Agradeciendo di antemano pa e atencion y sperando un respuesta positivo,

Atentamente,
Na nomber di Comision Bon Boluntad


Ireneo Valdes
Vice-presidente

c.c.: Gobernador di Aruba